



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ

Sarajevo, 26.12.2019.

Broj: 06-06-2-1792-2/19

Predmet: Poziv na edukaciju „Povrat carina (tzv. DRAW BACK) u CEFTA Stranama i pravila porijekla kroz PEM Konvenciju sa revizijom za dublju privrednu integraciju i snažnije trgovinske veze“

Poštovani/a,

Vanjskotrgovinska komora BiH u suradnji s Ministarstvom vanjske trgovine i ekonomskih odnosa BiH organizira edukaciju na temu „**Povrat carina (tzv. DRAW BACK) u CEFTA Stranama i pravila porijekla kroz PEM Konvenciju sa revizijom za dublju privrednu integraciju i snažnije trgovinske veze**“ koja će se održati 23.01.2020. godine u prostorijama Vanjskotrgovinske komore Bosne i Hercegovine, ulica Branislava Đurđeva 10, Sarajevo.

Cilj edukacije je, kroz aktivnu diskusiju i primjere iz prakse, upoznati predstavnike poslovne zajednice sa punom kumulacijom, povratom carina i pravilima porijekla kroz PEM Konvenciju sa revizijom. Povrat carina i puna kumulacija je novina, koja nije do sada bila propisana u CEFTA Sporazumu, a koja je veoma značajna i kapitalna za privredne subjekte koji posluju unutar CEFTA-e. Ovime se privrednim subjektima omogućava velika ušteda kroz povrat carina na korištene repromaterijale bez porijekla prilikom izvoza gotovog proizvoda bosanskohercegovačkog porijekla u okviru CEFTA-e, s obzirom da su do sada trebali plaćati određeni iznos carine na repromaterijale bez porijekla.

PEM Konvencijom, kao jedinstvenim pravnim instrumentom, objedinjuju se sva pravila o porijeklu robe sa kojom se trguje u okviru ugovora o slobodnoj trgovini između zemalja pan-euro-mediteranskog područja. Kroz PEM Konvenciju, zemljama pan-euro-mediteranskog područja omogućuje se ostvarivanje koristi od zajedničkih pravila i povlaštenog carinskog postupanja. U cilju modernizacije i daljnog pojednostavljenja pravila o porijeklu sadržanih u PEM Konvenciji, teče proces sveobuhvatne revizije postojećeg teksta PEM Konvencije, o čemu će također biti riječi na radionici.

Učešće na edukaciji je **besplatno** za sve učesnike koji izvrše prijavu učešća popunjavanjem online prijavnog obrasca. Krajnji rok za dostavljanje prijava je srijeda, 22.01.2020. godine do 12:00 sati. Broj mjesta je ograničen zbog čega se preporučuje blagovremena prijava. Sve dodatne informacije u vezi sa edukacijom možete dobiti pozivom na broj telefona 033/566-204. U nadi da ćete se odazvati našem pozivu, srdačno Vas pozdravljam i ostajem

S poštovanjem,



Elma Kovačević-Bajtal
Dr.sc. Elma Kovačević-Bajtal
Direktorica Sektora za edukaciju VTK BiH

